

ՀԱՅ-ՎՐԱՅԱԿԱՆ ԱՌՆՁՈՒԹՅՈՒՆՆԵՐԸ XVIII Դ.
50—60-ԱԿԱՆ ԹՎԱԿԱՆՆԵՐԸ

ՎԱՆՐԱՄ ԽԱՐՏԻՐՈՍՅԱՆ

XVIII դ. 30—40-ական թվականների վրաց ժողովրդի համառ և հետևողական պայքարը նադիր շահին հարկադրեց հիմնովին փոխել իր նախնական ծրագիրը՝ Վրաստանի նկատմամբ և «ղզլբաշոբան» հետզհետե «քարթվելոբա-յով» փոխարինել¹։ Տեղի տալով վրաց ժողովրդի համառ դիմադրությանը, նադիր շահը մասնավորապես հարկադրված եղավ Քարթլիի թագավոր ճանաչել Թեհմուրազին, իսկ Հերակլին՝ Կախեթի թագավոր Պատմական այս կա-րևոր իրադարձությանը անդրադառնալով, Պապունա Օրբելիանին գրել է. «Քրոնիկոնի 432 թ. (1744) հուլիս ամսին Քարթլիին տիրելու լուրը հա-սավ Թեհմուրազ արքային, իսկ Կախեթին տիրելու լուրը՝ արքայազն Հերակ-լին. բերկրանք էին ապրում Քարթլին և Կախեթը, անսահման բերկրանք»²։

Վաստակաշատ պատմաբան Լեոն, ճիշտ դնահատելով պատմական այս իրադարձության նշանակությունը, դրել է. «Այս թվականը նոր էջ էր բաց անում վրաց պատմության մեջ և միծ նշանակություն ունեցավ նաև հայ ժո-ղովրդի համար»³։ Քարթլիի և Կախեթի թագավորությունների զորեղացումը օտարակալության լծից ազատադրվելու հույս էր ներշնչում նաև հայ ժողովրդը-գին, նույնիսկ այն ժամանակ, երբ Վրաստանը մեկ միասնական պետություն չէր և ինքը ևս օգնության կարիք ուներ, Քարթլ-Կախեթի քաղաքական շրջան-ները մշտապես ջանում էին օգնության ձեռք մեկնել եղբայրական հայ ժո-ղովրդին, այդ էին պահանջում ոչ միայն հայ ժողովրդի, այլև վրաց ժողովրդի շահերը⁴։— գրում է վրաց հետազոտող Վ. Կոպալիանին։

Վրաստանի (Քարթլիի և Կախեթի) դերը առանձնապես ակնառու դար-ձավ նադիր շահի սպանությունից հետո (1747)՝ ողջ իրանում և Արևելյան Անդրկովկասում ծայր առած սուլթանի անիշխանության շրջանում։ Ստեղծված մղձավանջային իրադրության ճշմարտացի նկարագրությունը գտնում ենք Հովհաննես գրչի մոտ, որը սրտի կսկիծով նշում է հետևյալը. «...ի ժամա-նակս այս գույր անպատմելի և անդրելի խռովութիւնք և մարտք։ Կարճառօտ այսքան իմասչիք, զի ի ներքանեաց ամացս ունի շահ փոխեցան մին զմիւսն ուրանանելով և զտեղին յաջորդելով։ Մտածեա, թէ որքան իցէ լեալ վնասքն ի

¹ Ե. Երզնկեցի, Սոցիալական հեղափոխությունը Վրաստանում, Երևան, 1965, էջ 182։ Վրացագիտության մեջ զգալի առաջընթաց է նշանակում էր իրի միջոցներով բնակչության մասնագիտացումը և երկրի սոցիալ-տնտեսական, քաղաքական ազգային կարգը պարսկականով փոխարինում, իսկ «քարթվելոբան» նշանակում է երկրի սոցիալ-տնտեսական, քաղաքական, կրոնական ազգային՝ վրացական հարաբերությունների ու կարգի պահպանում։

² Վ. Երզնկեցի, Սոցիալական հեղափոխությունը Վրաստանում, Երևան, 1965, էջ 360։

³ Լ. Լ., Երկրի ժողովածու, հ. III, Երևան, 1973, էջ 275։

⁴ Լ. Լ., Երկրի ժողովածու, հ. III, Երևան, 1973, էջ 275։

⁵ Յ. Կոպալիան, Զեյթունի ծառի տակ լուրջ պայքարներ, Երևան, 1962, էջ 247։

հեծելագորաց սոցա և երկիրն ո՞րպէս իցէ ոտնակոխ լեալ հանդերձ դերեվարութեամբ, թող զսրամաշ և սովամահ լեալսն, իսկ փախստեալսն ո՞ր թուեսցէ, գրեթէ երկիրն Պարսից և Լեւոնտեան ամայի եղնս՝ Վերը նշված քաղաքական հեղհեղուկ իրադրության առկայության պայմաններում Լեւոնտեական ամենից զորեղը Թեհմուրազ II-ի և Հերակլ II-ի ղլխավորած Քարթլիի և Կախեթի թագավորություններն էին, որոնք ոչ միայն գինաստիական, այլև արհեստական և քաղաքական շահերից ելնելով՝ միասնաբար էին հանդես գալիս և պայքարում վրաց պետականության առաջնությունը Լեւոնտեական հաստատելու համար։ Պայքարելով քաղաքական առաջնության համար, վրաց պետական գործիչները հստակ պատկերացնում էին գոնե Արևելյան Հայաստանի հայության հետ սերտ դաշնակցելու անհրաժեշտությունը և կարևորությունը։ Հարկ է նշել, որ Լեւոնտեան Հայաստանի և ընդհանրապես Լեւոնտեական հայ ազգաբնակչությունն իր հերթին Քարթլ-Կախեթի հզորացման մեջ տեսնում էր իր ազատաբաղձ սգորումների կենսագործման լուրջ նրաշխիքը։ Շահերի նման համահնչունությամբ էր թելադրված XVIII դ. 50—60-ական թվականների հայ-վրացական համագործակցությունը։ Բերենք մեր սույն միտքը հավաստող կոնկրետ փաստեր, 1749 թ. աշնանը Լեւոնտեան աշխարհներխուժեցին թուրքմենական (թարաբամա) ցեղերը՝ Մահմադ խանի ղլխավորությամբ, Երևանի խանը օգնություն խնդրեց Թեհմուրազից և Հերակլից, պարտավորվելով վճարել ինչպես արշավանքի ծախսերը, այնպես էլ սամնամայա հարկը։ Վրաց թագավորներն այս առաջարկությունն ընդունեցին և հայերի մասնակցությամբ արշավեցին Մահմադ խանի դորքի վրա։ Այս արշավանքն ավարտվեց վրաց դորքի և նրանց զինակից հայերի հաղթանակով։ Դրանով Երևանի խանությունը Քարթլ-Կախեթի հովանու տակ անցավ և նրա քաղաքական ընթացքի մասնակիցը դարձավ։ Այնուհետև Քարթլ-Կախեթի զերիշխանության տակ անցավ նաև Նախիջևանի խանությունը։ Ուշագրավ է, որ այդ ժամանակ Նախիջևանի խանն էր ազգությամբ վրացի Բաման խանը, որը հովանավորում էր տեղի հայ ազգաբնակչությանը և օգտվում նրա աջակցությունից⁵։ Մահմադ խանի հրոսակները նեղել էին նաև Գանձակի բնակչությանը, ուստի և Երևանից հետո, 1750 թ. դարնանը, համաձայն սկզբնաղբյուրի վկայության, Թեհմուրազ արքան 12 հազարանոց զորքով Պարտավ բնակավայրում մարտի բռնվեց Մահմադ խանի զորքերի հետ և ղլխովին ջախջախեց այս բախտախնդիր ասպատակիչի զորքերը⁶, ի՞նչ նկատի առնենք, որ մարտադաշտի շրջակայքի բնակչությունը հիմնականում հայկական էր, ապա դժվար չէ կռահել, թե այդ բնակչության համակրանքը, թերևս նաև աջակցությունը, ո՞ւմ կողմը կլինեք։

Նադիր շահի սպանությունից հետո իտրասանից վերագաղթած և դաշտային Լեւոնտեում հաստատված Փանահ-Ալի խանն այդ ժամանակ առանձնապես ուժեղացել էր և նեղում էր Գանձակի և Նախիջևանի ազգաբնակչությանը։

⁵ «Արարատ», Վաղարշապատ, 1868, № 2, էջ 156.

⁶ Յ. Ռոժժեղովսկոյ, Նշվ. աշխ., էջ 421, տե՛ս նաև «Նախիջևանի իստորիոսի նախնական», Ե. IV, Երևան, 1973, էջ 614.

⁷ Լ. Լ. Ն., Նշվ. աշխ., էջ 230—231.

⁸ «Армяно-русские отношения во втором тридцатилетии XVIII века». Сборник документов, т. III, Ереван, 1978, էջ 247—248.

գարթի հայեր, Բանակին միացել էին Գյուլիստանի մելիք Քամրազը, Գանձասարի կաթողիկոս Ներսեսը և Արցախի այլ մելիքներ, իրենց զորքերով¹⁴։

Ղուկաս Կարենցին զոհունակությամբ նշելով վրաց արքաների հաջողությունը, դրել է. «Տիրապետեաց յայնժամ ի վրաստան Հերակլ որդի Ռամրազայ, ետ պատերազմ ընդ ղեկս, յաղթեաց նոցա, տիրեաց Քարթլոյ և Կախեթու, նուաճեաց ընդ իւրով իշխանութեամբ զիշխեցողս Բորչալուի, Ղաղախայ, Երևանայ, Գանձակայ, Արցախայ և Սիւնաց, և թագ կապեալ թագաւորեաց ի վերայ վրաց և մասին հայոց ցԱխուրեան գետ»¹⁵։

Լեոն յուրովի է գնահատում Փանահ խանի դեմ Քարթլ-Կախեթի արքաների հաղթանակը։ Նա կշտամբում է Թեմուրագին, որ վերջինս այս հաղթանակը իր ավարտին չհասցրեց, չվերացրեց Ղարաբաղի խանությունը և պատշաճ օգնություն ցույց չտվեց Արցախի հայ մելիքներին։ «Բարգուշատի հաշտության պայմանների մեջ ոչինչ չկար հօգուտ հայ ազգային իշխանության»¹⁶։— գրում է Լեոն։ Սակայն, համոզիչ կերպով առարկելով Լեոնին, Մ. Դումրաձեն գրում է. «Դժվար է համաձայնել այս դատողության հետ։ Մի բան է խանի դեմ ուղղի դաշտում հաղթանակ տանելը, այլ բան բուն խանության ունչացումը. այս վերջին պարագան ավելի բարդ խնդիր է և անհամեմատ ավելի մեծ հնարավորություն, կենդանի ուժ և նյութական միջոցներ է պահանջում, Բնատնտեսության վրա խարսխված թագավորությունը չէր կարող այդքան հեռուն գնալ, որ հպատակեցված երկրների ֆեոդալական իշխանությունները վերացներ և անմիջականորեն իր տիրույթներին միացներ»¹⁷։

Բարգուշատի հաղթանակը, որ ձեռք էր բերվել վրաց-հայկական պինակցությամբ, թեև Արցախի մելիքներին ակնկալվող արդյունքներ չտվեց, բայց արևելահայության համար ընդհանուր առմամբ դրական նշանակություն ունեցավ, քանի որ պարտություն կրելով, Փանահ խանը Անդրկովկասում առաջնություն ունենալու հավակնություններից հրաժարվեց, և նրան չհաջողվեց Երևելյան Հայաստանի այլ հողերի հաշվին ընդարձակելու իր իշխանությունը։ Այս իրողությունն արդեն ինքնին հույժ կարևոր էր։

Արարատյան աշխարհի բնակչությունը վրաց զորական բարեբար օգնության շնորհիվ 1751 թ. ազատվեց մի այլ բախտախնդրի իշխանությանը ենթարկվելու վտանգից ևս։ Խոսքը վերաբերում է աֆղան Ազատ խանին, որը շահի զահի հավակնորդներից էր և կամենում էր իր գերիշխանությունը Արարատյան աշխարհի վրա հաստատելով էլ ավելի մեծ հաջողությամբ շարունակել զահակայական պայքարը, ի՞նչ Ազատ խանն իր իշխանությունը հաստատելը Արարատյան աշխարհի վրա, ապա դրանով իսկ սպառնալիք կստեղծեր Քարթլ-Կախեթի անկախության համար, որովհետև պորեղացած Ազատ խանը ամենևին էլ չէր հանդուրժի Քարթլի և Կախեթի անկախությունը։ Ազատ խանի գլխավորությամբ Արարատյան աշխարհ ներխուժած 18 հազարանոց զորաբանակը նոր արհապիրքներ էր բերում տեղի ազգաբնակչությանը։ 1751 թ. հուլիսին Ղրիբուլաղի մոտ տեղի ունեցած ճակատամարտում Հերակլ արքան, շնորհիվ իր ուղղական տաղանդի և վրաց զորքի բարձր մարտունակության,

¹⁴ Նույն տեղում, էջ 424։

¹⁵ «Դիվան հայոց պատմության», գիրք, Գ, Թիֆլիս, 1899, էջ 728—729, տե՛ս նաև «Армяно-русские отношения...», т. III, էջ 245։

¹⁶ Լեոն, նշվ. աշխ., էջ 277։

¹⁷ «საქართველოს ისტორიის ნარკვევები», ტ. IV, თბილისი, 1973, էջ 617։

փոքրաթանակ զորքով ծանր պարտության մատնեց ասպատակիչների թվով զգալիորեն պերադանցող ուժերին:

Աղատ խանի դեմ տարած հաղթանակի և վրաց զորքի Արարատյան աշխարհի բնակչությանը ցույց տված օգնության առթիվ Հակոբ Շամախեցին Տփղիսի մելիք Աղա Բեհբուդյանին գրել է հետևյալ ուղագրով տողերը. «Յիրաւի ճշմարիտ բարեկամի բարեկամութիւն և սէրն յասպիսում ժամանակում պիտի երևիլ, որպէս ապա թէ ձերն և թէ մանաւանդ յաստուծոյ օրհնեցեալ արքայինն, որ որպէս թէ ի խորոյ տրտմութեան գրոյ ձեռն ձգեալ հանել ջանայ զմեզ ի վեր, զորմէ շնորհակալ հմր միշտ և աղօթող վասն կենաց և բարեհաջողութեան»¹⁸:

Պարտված Աղատ խանը Հերակլ արքային խոստացավ այլևս Արաքս գետը չանցնել:

Հայ-վրացական համագործակցության և վրացական զորական ուժի՝ հայ ազգաբնակչությանը ցույց տված օգնության ուղագրով փաստերի ենթ հանդիպում նաև XVIII դ. 50—60-ական թվականներին ավարառության և գերեվարության նպատակով կովկասյան լեռնական ֆեոդալների ձեռնարկած ասպատակությունները կանխելու, նրանց հարձակումներին դիմակայելու խնդրում: Այսպես, 1760 թ. Թէհմուրազ արքային Պետերբուրգ ուղեկցող զննապետ Կուլիտովսկին հաղորդում է, որ «Հերակլը շատ տավրեցիներ է կոտորել, քանի որ այդ տավրեցիները գնացել էին Երևանի կողմը և այնտեղ ոչ նվազ քանակով հարստություն էին հափշտակել, ինչպես նաև բազում գերիներ վերցրել»¹⁹:

Նկարագրելով նշված ժամանակաշրջանում ստեղծված իրավիճակը, 1766 թ. հոկտեմբերին Սիմեոն Երևանցին գրում է. «...քանզի բաց ի հանապազորդական վշտակրութեանց մերոց, զորս ունիմք յամենուտ կուսէ, թէ ի յանտիրութենէ ևրկրիս, թէ ի խստութենէ և յազահութենէ տիրողաց և թէ յայլ այսպիսեաց, ժամանին մեզ ևս հրեմանականք վիշտք, որք առաուել յինին մեզ մաշիչք կենաց և տան դժոռացումն մշտականացն: Որոց առաւելաւորն և մեծագոյնն է ասպատակն... լեկզեաց, որք հրեմանապէս ելեալք՝ զբազում վնաս հասուցին մերոց շրջակայից և որոց մահաբեր երկիւղն ոչ սակաւ տուրեհաց գերկիրս մեր և զմեզ»²⁰:

XVIII դ. 50—60-ական թվականներին տարբեր ասպատակիչների դեմ տարած հաղթանակներն ավելի ամրապնդեցին Քարթլ-Կախեթի հեղինակությունը: Հզորացման ուղիով ընթացող արևելավրացական պետությունը որոշակի հույսեր էր ներշնչում նաև արևմտահայությանը: Արխիվային մի վավերագիր համոզիչ կերպով վկայում է, որ թուրքական բռնատիրության ներքո հեծող հայ ազգաբնակչությունը բերկրանքով էր ընկալում Քարթլ-Կախեթի հաջողությունների մասին լուրերը: «Հայերը, — կարդում ենք այդ վավերագրում, — լսելով, որ Հերակլն իրենց պատրիարքին ամենայն պատվով է ընդունել և որ վրացիներին համահավասար պաշտպանում, պահպանում է իրենց՝ հայերին, որոնք կազմում են նրա (Հերակլի—Վ. Մ.) զորքի գրեթե կեսը, հպարտանում են, որ իրենց դավանակիցները (հայերը—Վ. Մ.) ուրիշնե-

¹⁸ Մատենադարան, ձեռ. № 2911, Թ. 64:

¹⁹ ԻԱՔԱ, ֆ. ԲՀՎ, գ. 1, մասն 11, Թ. 266ր:

²⁰ Մատենադարան, ձեռ. № 2912, Թ. 151ա:

խավորել, որ Հ. էմինը պիտանի կլինի վրաց արքաների ծրագրերը կենսադործելու խնդրում: Հ. էմինը վկայում է, որ կանցլերի մոտ ճաշկերույթից հետո արքան նրան «հրավիրում է իր տուն, որտեղ երկու ժամ սևած գրույցի յաճառակ Թեհմուրազը ամեն կերպ բաշխելու էր իրեն, հույս հայտնելով, որ իրենք կարող կլինեն պաշտպանել իրենց երկիրը թշնամիների ներխուժումից և որ հայերը կմիավորվեն վրացիների հետ, որպեսզի վերջնականապես թոթափեն ոտարակալության լուծը»²⁶:

Սակայն վրաց և հայ գործիչների նվիրակտն բաղձանքներին տակավին փնտրված չէր իրականանալ, քանի որ այդ ժամանակաշրջանում ռուսական կառավարության արտաքին քաղաքականության առաջնահերթ խնդիրը պրոսական զավթողական նկրտումներին դիմագրավելը և արևմուտքից ռուսական սահմաններին սպառնացող վտանգը վերացնելն էր: Իհնա թե այդ առթիվ ինչ որոշում է ընդունել 1756 թ. մարտի կեսերին արքունիքում կայացած խորհրդակցությունը. «...պրոսական թագավորին թույլ չտալ նոր հռչակ ձևով բերելու, այլ նրա ուժերը շահավոր սահմանների հասցնել և, մի խոսքով, նրան անվտանգ դարձնել այստեղի (Ռուսաստանի—Վ. ԼԲ.) կայսրության համար»²⁷:

Ռուսական կառավարության արտաքին քաղաքականության հիմնական խնդիրն ուղադրության կենտրոնում ունենալու դեպքում հասկանալի է դառնում ոչ միայն Թեհմուրազ արքայի պատվիրակության՝ ակնկալվող արդյունքներին չհասնելը, այլև Հ. էմինի նկատմամբ Հերակլ արքայի և կաթողիկոս Ս. Երևանցու դրաված դիրքը, քանի որ, ինչպես արդեն վերը նշվեց, էջմիածնում հետևում էին Թեհմուրազ արքայի բանազնացությանը և երբ պատվիրակությունը ձևավորվեց, ասլա և՛ Հերակլի, և՛ Ս. Երևանցու համար պարզ դարձավ, որ մոտ ապագայում Ռուսաստանից զորական որևէ օգնություն ստանալը բացառվում է, որովհետև ռուսական արտաքին քաղաքականության կիզակետում գտնվում էր պրոսական զավթողական միտումների զսպումը. «...50-ական թվականներին, ինչպես և նախորդ տասնամյակում, ռուսական կառավարության ուղադրության կենտրոնում էր գտնվում Պրուսիան, որը շարունակում էր իր զավթողական քաղաքականությունը Եվրոպայի արևելքում: Ռուսաստանը դառնում է հակապրոսական կռիվիցիայի գործուն մասնակիցը: XVIII դարի 50-ական թվականներին և 60-ականի սկզբին ռուսական կառավարությունը նախապատրաստվում էր Պրուսիայի դեմ առաջիկա պատերազմին»²⁸:

Իհնա կարևոր խնդիրն էր, որ հարկադրում էր ռուսական կառավարությանը՝ ձեռնպահ մնալ Լեհերկովկասի և Պարսկաստանի գործերին եռանդուն միջամտիս լինելուց, և Թուրքիայի նկատմամբ շրջահայաց քաղաքականություն վարել: Ռուսական կառավարության XVIII դ. կեսերին վարած արտաքին քաղաքականության հստակ ընկալումը սերտորեն աղերսվում է Հ. էմինի և Հերակլ արքայի փոխհարաբերությունները ճիշտ պատկերացնելու և այդ հարաբերությունների ընթացքը փաստարկված մեկնաբանելու հետ:

²⁶ Նույն տեղում, էջ 88:

²⁷ «Семилетняя война», сборник документов и материалов, М., 1948, էջ 20, տես նաև «История СССР», т. III, М., 1967, էջ 504:

²⁸ «История СССР», т. III, М., 1967, էջ 501:

XVIII դ. 50—60-ական թվականների հայ ազատագրական մտքի թարգմանը եղավ Հ. Էմինը, որին վիճակվել էր ծանր զրկանքների և գոյության համար դաժան մաքառումների գնով ծանոթանալ եվրոպական բուրժուական յուսավորական գաղափարներին և այդ գաղափարների ոգով մշակել հայ ազգային-ազատագրական պայքարի ծրագիրը, մի ծրագիր, որը համահնչուն կետեր ունի Ի. Օրու՝ Պետրոս I-ին ներկայացրած ծրագրի հետ: Հ. Էմինի ազատագրական ծրագրի հիմնական գաղափարը վրաց Բագրատունիների գլխավորությամբ հայ-վրացական պետության ստեղծումն էր: Այդ միացյալ միապետության վրա պիտի տարածվեր Ռուսաստանի հովանավորությունը՝ որպես երկու բախտակից ժողովուրդների անվտանգության անհրաժեշտ երաշխիք²⁹: Արդ հարց է ծագում. Հերակլ II-ը ի վիճակի՞ էր արդյոք ընդունել և առավել ևս անմիջապես ձեռնամուխ լինել Հայաստանն ազատագրելու Հ. Էմինի ծրագրին: Այս հարցին ակադ. Ա. Հովհաննիսյանը տալիս է բացասական պատասխան³⁰: Հերակլ II-ը իր գործունեության ընթացքում ձեռնարկում էր վրաստանի (և ոչ միայն Քարթլ-Կախեթի) վերականգնմանը և վերածնությանը, իսկ այս նշանակում էր, որ նա իր նպատակները կենսագործելիս անխուսափելիորեն բախվելու էր ոչ միայն Իրանի, այլև Թուրքիայի համառ դիմադրությանը, հետևաբար, նկատի առնելով այս հեռանկարը, Հերակլ II-ը պիտի ապագա գոտեմարտի նախապատրաստվեր և, ինչ խոսք, իր իսկ խնդիրները լուծելու միտումով դաշնակիցներ որոնեի Թուրքիայի և Իրանի դեմ: Ուրեմն, այս տեսակետից Հերակլ արքան պիտի դաշնակցեր հայերի հետ: Սա նշանակում է, որ Հայաստանն ազատագրելու Հ. Էմինի ծրագիրը համահնչուն էր Թուրքիայի կողմից զավթած վրացական հողերն ազատագրելու հերակլյան միտումներին: Այս հանգամանքները պարտադիր անհրաժեշտություն էին դարձնում հայ-վրացական զինակցությունը, ինչ վերաբերում է ռուսական տերության հովանավորությունը ասպագա հայ-վրացական պետության վրա տարածելուն, ապա Հ. Էմինի ծրագրի այս մասը ևս Հերակլի համար ընդունելի պիտի լիներ, քանի որ նա՝ Թեհմուրազ II-ը, նաև Հերակլ II-ը ինչպես այդ, այնպես էլ նախորդ շրջանում միտում էին Ռուսաստանի հովանավորությամբ կենսագործել վրաստանը միավորելու իրենց ծրագրերը: Սակայն մի բան է համաձայնել, ընդունելի համարել Հ. Էմինի քաղաքական ծրագիրը, այլ բան՝ ձեռնամուխ լինել նրա կենսագործմանը, ի՞նչ նկատի առնենք այն սլարազան, որ Թեհմուրազ արքայի գլխավորած պատվիրակությունը ձեռնունայն վորադարձավ Պետերբուրգից, ապա հասկանալի կդառնա Հերակլ արքայի վարքագիծը: Հ. Էմինի անձի և դրսի նկատմամբ Հերակլ II-ը, իրոք, Ռուսաստանից ռազմաքաղաքական օգնության բացակայության պայմաններում չէր կարող հրապուրվել: Հ. Էմինի ծրագրով, նա հստակ պատկերացնում էր, որ շափազանց անհավասար պիտի լինեի ուժերի փոխհարաբերությունն առաջարկվող գոտեմարտում՝ ի վնաս հայ-վրաց զինակցության: Թուրքիան որքան էլ ուժասլառ լիներ, ի վիճակի էր այնքան զորական ուժ հակադրել հայ-վրացական կողմին, որքան ողջ Քարթլ-Կախեթի շափահաս աղգաբնակչությունն էր ուստի և Հերակլ II-ը սթափորեն պիտի կշռադատեր: Հ. Էմինի առաջարկը՝

²⁹ А. Р. Иоаннисян, *уշվ. աշխ.*, էջ 103.

³⁰ Նույն տեղում, էջ 131.

Թուրքիայի դեմ ռազմական գործողություններ սկսելը, և ըստ այդմ գնահատելի ակնկալվող հեռանկարները Այս էլ մեր կարծիքով, պատճառներից զլխավորը, որ դրանց Հերակլին՝ ձեռնպահ մնալ Հ. էմինի առաջարկն ընդունելուց և հետագայում իր սակավազոր տերությունը մահացու վտանգից զերծ պահելու միտումով Հ. էմինին առաջարկել հեռանալ Վրաստանից:

Հ. էմինի նկատմամբ Ս. Երևանցու ցուցաբերած բացասական վերաբերմունքի պատճառը ևս այստեղ պիտի որոնել, Կարծել, թե Ս. Երևանցին, ժամանակի այդ ականավոր և կենդեցական ու ազգային գործիչը, դեմ էր հայ ժողովրդի ազատագրությանը և ռուսական կողմնորոշմանը, կնշանակի մեղանշել պատմական ճշմարտության առջև:

Ս. Երևանցին պետականությունը վաղուց կորցրած մի ժողովրդի եկեղեցու գլուխն էր, կաթողիկոսը, միակ համազգային հաստատության ղեկավարը, հաստատություն, որին իրերի բերումով անցել էին նաև պետականության որոշ ֆունկցիաներ, այդ թվում օտար իշխողներին ողջ ժողովուրդը ներկայացնելու պատասխանատվությունը: Ս. Երևանցին քաջատեղյակ էր, գիտեր ու տեսնում էր հայ ժողովրդի անմխիթար վիճակը թուրք-պարսկական բռնատիրության ներքո, սակայն այդ վիճակից ելքը նա տեսնում էր Ռուսաստանի զորական աջակցության մեջ³¹: Ս. Երևանցին այն խորին համոզմանն էր, որ ռուսների յուրաքանչյուր ինքնուրույն ելույթ այնպիսի խոշոր տերությունների դեմ, որպիսիք էին Իրանը և Թուրքիան, կլիներ անպատասխանատու արկածախնդրություն և կարող էր հանգեցնել ազգի կործանման³², հզորափակում է Ա. Հովհաննիսյանը:

Մեր կարծիքով Հ. էմինի ազատագրական ծրագրի ձախողման մեղքը բարդել Ս. Երևանցու վրա, ըստ չույն, նշանակում է թերագնահատել օտարակալության լծից հայ և վրաց ժողովուրդների ձերբազատվելու խնդրում Ռուսաստանի վճռական դերը, միաժամանակ իմաստազուրկ դարձնելով հայ և վրաց ժողովուրդների ազատագրական շարժման ռուսական կողմնորոշումը: Մի բան, համենայն դեպս, պետք է պարզ ու որոշակի լինի ուսումնասիրողի համար, այն է՝ ի վիճակի՞ էին արդյոք հայ-վրացական ուժերը, առանց Ռուսաստանի ռազմաքաղաքական օգնության, թոթափել թուրք-պարսկական լուծը և հետագայում դիմակայել այդ երկու խոշոր տերությունների ռազմական միտումներին: Եթե ի վիճակի էին այդ խրթին և բալում բարդությունների հետ աղերսվող խնդիրը սևփական ուժերով լուծել, ապա հայ-վրացական քաղաքական գործիչները, իրոք, լուրջ վրիպում են թույլ տվել, որ ըստ ամենայնի չեն ընդառաջել Հ. էմինի ծրագրին, և այդ դեպքում միայն իրավունք կունենանք անարգանքի սյունին գամելու հայոց կաթողիկոս Ս. Երևանցուն: Սակայն մի կողմից հայ-վրացական, մյուս կողմից թուրքական և պարսկական ուժերի սթափ համադրումը հարկադրում է միանգամայն բացասական պատասխան տալ վերը դրված հարցին:

Ս. Երևանցին իմ համոզմունքը, անստորակոյտ, խարսխում էր նաև նույն XVIII դ. 20-ական թվականներին ծավալված ազատագրական պայքարի փորձի սթափ վերլուծության վրա, երբ Ռուսաստանի զորական օղնության բացակայությունը փաստորեն ի դժբն հանեց հայ և վրաց ժողովուրդների

³¹ Նույն տեղում, էջ 172:

³² Նույն տեղում, էջ 172—173:

ազատագրական ոգորումները, Ելնելով այս ամենից, Իհարկե, Հերակլ II-ը և Ս. Երևանցին պիտի որ զգույշ և շրջահայաց վերաբերմունք ունենային Հ. էմինի ծրագրի նկատմամբ, Հերակլ II-ին Ս. Երևանցու գրած նամակի ստորև բերվող տողերը հավաստում է մեր կարծիքը. «Ենդրեմ, դի լաւապէս մտածեալ որոճայցես, և մանաւանդ զղա (Հ. էմինին—Վ. Մ.) ևս զգաստացուցես, զի զգիրն և զմարդիկս իւր յինքն ժողովեացէ և խոհեմութեամբ շարժիցէ, զի երկիրս ալլազգոյ ձեռաց է և մեր ի ձեռս սոցա կամք: Գիտես զինչ ասեմ, ոչ միայն այս երկիր, այլև և յամենայն տեղիս, ուր գտանին ազգ մեր, քանզի մեծ ցաւ ձնանի վերջապէս ազգիս մերոյ որպէս երևի...»³⁴:

Անշուշտ, Ս. Երևանցու վերը բերած տողերն են նաև հիմք տվել գրականագետ Պ. Հակոբյանին՝ հանգելու ստորև բերվող միանգամայն արդարացի դատողությանը. «Հայության անմարելի բաղձանքն ու բաղաքական կողմնորոշումը պարտադրում էր այս հեռատես բանաստեղծ-բաղաքագետին ու հոգևոր գործչին՝ բանականության հունի մեջ ամփոփել ազգի ազատադրական ոգորումները և հրահանգել եկեղեցու սպասավորներին՝ հանդիսավոր արարողությունների ժամանակ երգել իր իսկ հորինած շարականը Ռուսաստանի հոգրության և հարատևության մասին»³⁵:

Ինքնին հասկանալի է, որ Ս. Երևանցու և համայն հայության մաղթանքը Ռուսիայի հոգրության առթիվ ինքնանպատակ չէր. այդ երկրի հետ էր Ս. Երևանցին կապում օտար բռնակալների լծից հարազատ ժողովրդի և հայրենի երկրի փրկության իրական հույսը:

Նշված իրողությունների լույսի ներքո միանգամայն անհամոզիչ և անտեղի են աչն մեղադրանքները, որ որոշ հեղինակներ հարուցել են Ս. Երևանցու հասցեին՝ Հ. էմինի ծրագրերը չիրականանալու առիթով: Նման մեղադրանքները արդյունք են պատմական կոնկրետ իրականության թյուրըմբռնման կամ անտեսման: Վերջերս այդ մեղադրանքներին կենդանություն է տվել Ի. Ուլուբարյանը³⁶: Առանց որևէ լուրջ հիմնավորման նա հայտարարում է. «Ամենայն հայոց կաթողիկոսը, անհետակար ու վտանգավոր նախաձեռնություն համարելով ազատագրական պայքարի ամեն մի գրսևորում, ոչ միայն չէր ուզում, որ «իր հոտը» որևէ ձևով մասնակից դառնա անհեռանկար ու վտանգավոր պայքարի, այլև ցանկանում էր, որ իր մահմեդական տերերը համոզված լինեն, թե այդպիսի պայքարի փորձ է եղել, և ինքը հասցրել է արժանի հակահարված տալ»³⁶: Մանր այս մեղադրանքը, հիմքում չունենալով պատմական որևէ փաստ, չի դիմանում քննադատության:

Ամփոփելով մեր ասելիքը, նշենք, որ XVIII դ. 50—60-ական թվականներին Քարթլ-Կախեթի թագավորության բաղաքական ամրապնդումը իր դրական նշանակությունն ունեցավ նաև հայ ժողովրդի համար: Վրացի և հայ գործիչները նշված ժամանակահատվածում ձեռնամուխ էին եղել այն խնդիրների լուծմանը, որ իրենք, իրոք, ի վիճակի էին լուծել, մերժելով իրենց ուժերից վեր խնդիրները՝ որքան էլ դրանք առերևույթ հրապուրիչ լինեին:

³⁵ Նույն տեղում, էջ 169, Մատենագարան, կաթողիկոսական դիվան, թղթ. 2, Վազ. 6, էջ 8—9.

³⁶ «Արևելյան Հայաստանի Ռուսաստանին միանալու արևտգանքները հայ գրականության մեջ», բնագրերի պատրաստումը, ներածությունը և ծանոթագրությունները Պ. Հ. Հակոբյանի, Երևան, 1979, էջ 8.

³⁵ Բաղադատ Ուլուբարյան, Ոսկի շղթա, Երևան, 1979, էջ 210—216.

³⁶ Նույն տեղում, էջ 211.

АРМЯНО-ГРУЗИНСКИЕ ВЗАИМООТНОШЕНИЯ В 50—60-х ГОДАХ XVIII в.

ВАГРАМ МАРТИРОСЯН

Резюме

Стойкая и последовательная борьба грузинского народа вынудила Надир шаха отказаться от политики ассимиляции грузинского народа. Благодаря этой борьбе грузинский народ сохранил свою государственность в Восточной Грузии—в Кахети и Картли. Это обстоятельство имело важное значение не только для грузинского, но и для армянского народа.

В укреплении и усилении Картл-Кахетинского царства армяне видели одну из серьезных предпосылок успеха в борьбе против персидско-турецких поработителей. Исторические факты наглядно показывают положительное значение усиления царств Картли и Кахети в судьбах Восточной Армении.

В армяно-грузинских связях указанного периода особое место занимает вопрос об отношении Ираклия II к Иосифу Эмичу, видному представителю армянского освободительного движения. Оно диктовалось объективным положением Картл-Кахетинского царства и политикой России в отношении Закавказья и соседних с ним стран. Именно с внешней политикой России данного периода связана та позиция, которую заняли Ираклий II и католикос Симеон Ереванци в отношении освободительной программы Иосифа Эмина.